

M213: Trierer Silvester

- 0,1 Nvo tuont mir eine stille .
0,2 durch eines guoten liedis wille- .
0,3 so wil ich ivch uon eine- goteliche- dinge- .
0,4 eine uil suze rede uuore bringe- .
0,5 ir sult sie uil gerne virnem- .
0,6 ouch mac ivch uil wole gezemen .
0,7 ze horene alle frivmicheit .
0,8 die tummen dunkit iz arbeit .
0,9 sulen sie immer icht gelernen .
0,10 oder ir wisheit gemeren .
0,11 die sint unnuzze .
0,12 vnde phlegent niet guoter wizze .
0,13 daz sie ungerne horent sagen .
0,14 dannen sie uil wole mochten habe- .
0,15 wisheit vnde ere .
0,16 vn- hulfe ouch der sele .
0,17 Iz wirbit i- diese- gecite- .
0,18 ein gewoneheit wite- .
0,19 gnvoge irdenkint in lvgene .
0,20 vnde uuogent die zesamene .
0,21 mit schofflichen Worten .
0,22 ich uorchte uil harte .
0,23 daz die sele dr umme muoze bri-ne- .
0,24 iz is al widir gotis mine- .
0,25 vn- lerit man die lugene die kint .
0,26 die nach in kunftic sint .
0,27 die wollent sie also behabe- .
0,28 vnde wolli-t sie uuor war sage- .
0,29 lugene vn- ubirmut .
0,30 die sint zvo d' sele nebore guot .
0,31 die wisen horent dar ungerne abe sage- .
0,32 nvo uahe wir diet gvote liet ane .
0,33 Die riche die stunde- lere .
0,34 die kunen romere .
0,35 irwelete- sente helenen sun .
0,36 den ture- constantine- .
0,37 d' kivni-c was heide- .
0,38 vn- was doch so wole bescheide- .

0,39 alle rechte dinc die waren ime lieb .
0,40 wen des geware- gelouben ne kant er niet .
0,41 vnze in ime uil genote .
0,42 got iroffenote .
0,43 uon sine- gnaden iz qa .
0,44 daz d' herre sieche- began .
0,45 daz de- gewaldige- man .
0,46 ze grozer selicheite qa .
0,47 her wart dir mite gewiset .
0,48 de- wec zvo de- paradise .
0,49 sin unmacht die was abir sogetan .
0,50 in der werlde ne was nichein ma- .
0,51 d' ime dir zvo uruome mochte sin .
0,52 alle arzete die schivhete- in .
0,53 wen ein ebreis ma- .
0,54 d' sprach "herre woldis minen rat han .
0,55 vn- wollit ir mir geuolge- .
0,56 so gebietet uwer heimeliche- holde- .
0,57 daz sie gewinne- al di ki-delin .
0,58 die in zwein iare- gebore- sin .
0,59 inbi-ne- uwirme riche .
0,60 daz wizzent werliche .
0,61 in d' bluote sal ich ivch bade- .
0,62 so muoget ir de- lip wid' habe- .
0,63 ne mache ich ivch nicht gesunt odir heile- .
0,64 so lazet mich antwedir hahe- od' steine- ."
0,65 Do diet mere bequa- .
0,66 in die burc ubiral .
0,67 manic romere .
0,68 wart irstruobet sere .
0,69 daz ir wenige- kindelin .
0,70 al u'loren solde- sin .
0,71 na des arzatis rate .
0,72 d' kuni-c uil drate .
0,73 sine- bote- sante .
0,74 zvo italien in deme lande .
0,75 vn- hiez die kindelin gewi-ne- .
0,76 ilende uuor sich bringe- .
0,77 daz wart schiere getan .
0,78 do iz d' kuni-c gebot do muoste iz irgan .
0,79 Do sie alle gesamenit ware- .
0,80 vn- di mvotire ze Rome quame- .
0,81 vn- in kunt wart getan .
0,82 wie iz dr u-me solde irgan .
0,83 do begu-de- sie algemeine .
0,84 clagen vn- weine- .
0,85 uiel wu-derensere .
0,86 uor dem palase des herre- .

0,87 als iz d' kivni-c irhorte .
0,88 do irqa- her is uil harte .
0,89 her sprach "ich ne weiz waz daz meinete .
0,90 daz daz livt so sere claget vn- weinet .
0,91 ich ne mac dit mort niet getuon .
0,92 heizet sie balde uon de- [...] [...] ."
0,93 [...] [...] iugint u'lore- sal [...] [...] .
0,94 do sprach d' kivni-c riche .
0,95 uil harte tugentliche .
0,96 "mir ist ein ubil rat getan .
0,97 ich ne wil ir nuwit laze slan .
0,98 bezzir ist daz ich eine irsterbe .
0,99 dan durch mich uirwerde .
0,100 alsus manic kindelin ."
0,101 do sprach d' kivni-c constantin .
0,102 "romeren wile- des sietes phlage- .
0,103 in swilch lant wir quame- .
0,104 daz sich wid' vns sazte .
0,105 swenne wir iz betwu-ge- hatte- .
0,106 swie uiel d' ma-ne irsturbe .
0,107 mit de- swerte- irslagn- wurde .
0,108 wip vn- kint liezen wir genesen .
0,109 de- ne wolde wir nechein ubil wesin .
0,110 solde wir unse eigene- geburt nvo irslan .
0,111 daz were widir unsen ere- getan ."
0,112 h' gebot sine- kemerere- .
0,113 die truric dar kvomen weren .
0,114 daz man in gewa-t vn- spise gebe .
0,115 vnde tete sie urolliche danne- kere- .
0,116 "alsus getanis arzetvomis sture .
0,117 ne gere ich nicht" sprach d' ture herre .
0,118 Do diet kunt was getan .
0,119 zvo lande huobe- si sich san .
0,120 des uroweten sich werliche .
0,121 die engele in hiemilriche .
0,122 daz d' heidene man .
0,123 so guote- wille- ie gewan .
0,124 iz ne wart geuristet nicht la-gir .
0,125 sine gnade ime got sa-te .
0,126 Da d' kuni-c des nachtis an sine- bette lac .
0,127 uile michil was sin unkraft .
0,128 do irschiene- ime die herre- .
0,129 die gotis bote- bede .
0,130 sente peter vn- sente paulus .
0,131 silvester hiez d' pabis .
0,132 d' in sint bekerte .
0,133 vn- de- rechten geloube- lerte .
0,134 offinliche her sie ane sach .

0,135 sente peter ime zvo sprach .
 0,136 “dvo suchis nvo uil lange .
 0,137 mit grozen suochte- bist dvo beuange- .
 0,138 dvo sivchis werltliche arzate .
 0,139 nvo tvo als ich dir rate .
 0,140 bi rome ist ein man .
 0,141 deme salt dvo werden vnd’tan .
 0,142 den tarquinius uirtreib .
 0,143 michil ist sin arbeit .
 0,144 in eime hole ist h’ uirborge- .
 0,145 groz sint sine sorge .
 0,146 h’ is geheizen silvester .
 0,147 din geistliche uater wirt her .
 0,148 tvo alse h’ dich lere .
 0,149 vn- uolge deme heilige- herre- .
 0,150 her machet dir ein bat .
 0,151 z ware ich dir daz sage- mac .
 0,152 daz dvo in einer livzzele- stunt .
 0,153 an dineme libe wirdis gesunt .”
 0,154 Kvome irbeite d’ kivni-c here .
 0,155 unz ime d’ morginsterre .
 0,156 kuonte de- tac .
 0,157 do sante h’ sine boteschaf .
 0,158 nach de- heilege- ma- .
 0,159 vn- alse d’ bote hine qa .
 0,160 da h’ den pabis an sach .
 0,161 gezoge-liche h’ zvo ime sprach .
 0,162 “herre durch mi-ne un- durch liebe .
 0,163 so salt dvo kvom- schiere .
 0,164 konstantine deme kuninge .
 0,165 d’ gehabet sich leid’ ubile .
 0,166 dvo ne salt niet sum- .
 0,167 wand ’ irbeitet din lebindi-c kvome .”
 0,168 d’ pabis was gerecht vn- gare .
 0,169 uil willicliche huob h’ sich dare .
 0,170 h’ wande daz h’ solde irsterbe- .
 0,171 durch got gemartelet werden .
 0,172 sine kardinale .
 0,173 die sorgete- z ware .
 0,174 do troste sie der pabis guote .
 0,175 mit stetliche- muote .
 0,176 her sprach wir mvo[...] [...] [...] .
 0,177 Do her gesach den heiligen man .
 0,178 uiel schone h’ in gruzen began .
 0,179 “silvester” sprach h’ “lieber ma- .
 0,180 dvo has uiel ubile getan .
 0,181 daz dvo mich daz hele .
 0,182 daz dvo so guot arzet were .

0,183 daz dvo niet ne queme in cit .
0,184 vnde gehulfes mir wid' an de- lip .
0,185 so tet ich dich ce rome here .
0,186 gewaldic maniger ere- .
0,187 vn- alle dine holden .
0,188 die dis intfahen wolde- .
0,189 den geb ich groze richeit .
0,190 ich uirgulde dir din arbeit ."
0,191 Der heilige pabis .
0,192 d' antwurte ime des .
0,193 "herre wer hat dir gesaget daz .
0,194 daz ich sie arzat .
0,195 daz wizze vnsir trechtin .
0,196 daz ich iz niet ne bin .
0,197 noch nie werltlieches arzetvomes ne phlac .
0,198 vnz an diesen hutege- tac ."
0,199 do sprach d' kuni-c co-stantin .
0,200 "die rede en sal niet so sin .
0,201 mir irschiene- hienacht zwene man .
0,202 zwein gote- gelich getan .
0,203 die troste- mich dir zvo .
0,204 ob dvo iz woldis tvo .
0,205 dvo kundis mich wole geheile- .
0,206 vnde uo- mine- sunden gereine- ."
0,207 Do sprach d' selige bote .
0,208 "iz ne ware- niet wen zwene gote .
0,209 iz ware- zwene gotis knechte .
0,210 uolge in so tvos tu rechte ."
0,211 dvo uragete der kuni-c here .
0,212 ob sie ire- gemalet were- .
0,213 her sprach "ir antlieze waren so rechte wole getan .
0,214 ich gesehe se abir gerne daz ist war ."
0,215 Der pabis uiel nider an sine uenie .
0,216 dvo bette her vof ze himele .
0,217 daz got durch sine guote .
0,218 de- kivni-c geheilote .
0,219 an libe an der sele- .
0,220 vn- h' in wolde bekere- .
0,221 uon d' starke- heidenschefte .
0,222 mit des heilige- geistes krefte .
0,223 vn- h' sine- arme- holde- .
0,224 uriede mache- wolde .
0,225 wa-de sie liede- uil miechile note .
0,226 uor der heiden ubirmute .
0,227 Alse dit gebet was getan .
0,228 vof huob h' sich san .
0,229 dvo hiez h' sine- capelan .
0,230 sente petirs bieledede vn- sente paulses dar uor tragen .

0,231 vn- liez de- kuni-c schowe- .
0,232 ob h' mochte getruwe- .
0,233 ob sie den herre- gelich were- .
0,234 d' sprach der kvninc mere .
0,235 "diet sint die selbin man .
0,236 die ich hinacht gesehe- han .
0,237 d' eine d- was gra .
0,238 also h' nvo schinet da .
0,239 d' andere der was kale .
0,240 ich beke-ne sie bede harte wale ."
0,241 Dvo sprach der heilige man .
0,242 "nvo salt dvo gote werden vndirtan .
0,243 vn- uolge siner lere- .
0,244 diet sint die selbin herre- .
0,245 die dich an me libe machint gesunde- .
0,246 vn- die dich uon der sele sunde- intbindent .
0,247 so bin ich d' arzat .
0,248 d' diz gotis wort uor saget ."
0,249 Dir pabis hiez eine toufe trage- .
0,250 her sprach "nuo salt du in des nam- bade- .
0,251 die den hiemil vof heldit .
0,252 vn- d' erde- weldit .
0,253 d' bekennit al die dinc .
0,254 die da inzivssen sint .
0,255 sus sulen sie al genese- .
0,256 die sine kint willent wese- .
0,257 swer in der tofve wirt gereinet .
0,258 d' ist in de- ewige- libe geheilet .
0,259 so salt dvo keiser here .
0,260 uolge- miner lere .
0,261 dvo has uile wider gotis hulde- getan .
0,262 dvo hieze die kristenheit irslan .
0,263 vn- uirguzze dir mertelere bluot .
0,264 [...] [...] harte guot rat ."
0,265 Swaz der pabis geriet .
0,266 d' keisir iz alliz ane gienc .
0,267 her geloubte uaste ane got .
0,268 uoz zoch her den phelliline- roc .
0,269 einen wulle- leite her ane sich .
0,270 harte bezzirte her sich .
0,271 her was uil stete .
0,272 allir guottete .
0,273 her wart ein lobelicher man .
0,274 also iz gote uon hiemele wole gezam .
0,275 do der sibende tac qua- .
0,276 der pabis i- mit der hant nam .
0,277 selbe her mit ime gienc .
0,278 da h' die cristenheit intfienc .

0,279 zvo d' toufe do qa .
0,280 manic geistlicher man .
0,281 die lase- vn- su-ge- .
0,282 daz beste daz sie ku-den .
0,283 des geware- gelouben her uiriach .
0,284 de- leide- tuuil her uirsprach .
0,285 alsus redete d' keiser constantin .
0,286 "mine dinc die mvozen alle an gote sin .
0,287 meister wole getruwe ich dir dir zvo .
0,288 alliz daz duo wilt daz ich daz tvon .
0,289 in der ware minne .
0,290 des begi-n ich nach dime wille- ."
0,291 Der pabis segenete de- bru-ne- .
0,292 do wart die meiste wu-ne .
0,293 die da uore ce rome ie geschach .
0,294 den geloube- h' ime uore sprach .
0,295 wol geuiel ime d' rat .
0,296 abe wuos her die alde- meintat .
0,297 h' besoufte in drie stunt .
0,298 do wart h' harte wole gesunt .
0,299 do her die criste-heit intfienc .
0,300 die hut ime gare intfiel .
0,301 line- wart al d' lip sin .
0,302 als ein nuwegebore- ki-delin .
0,303 her wart schone vn- gesunt .
0,304 der kuni-c rief an der stunt .
0,305 daz got gewisse were .
0,306 ein gewarer heilere .
0,307 Do mi-nete d' keiser here .
0,308 al geistliche lere .
0,309 her wart gote vnd'tan .
0,310 als iz sime heilige- nam- wole gezam .
0,311 den arm- was h' uile holt .
0,312 her gab e- silbir vn- golt .
0,313 die kuninliche- gewete .
0,314 h' was durch got fruo vn- spete .
0,315 daz larte in sin meister .
0,316 d' pabis sente silvester .
0,317 der wolf d' wart ce schafe .
0,318 romere die muoste- lazen .
0,319 al ir abgot .
0,320 also d' kuni-c selbe gebot .
0,321 ze rome wart sanc vn- lob .
0,322 dit wolde unser herre got .
0,323 An dem andere- tage .
0,324 als ich nvo wil sage- .
0,325 do gerwete sich der pabis .
0,326 in dem munstere sente petris .

0,327 mit allir siner antreit .
0,328 uon der ubirsten wisheit .
0,329 sanc her eine messe .
0,330 die got uon hiemele wole wesse .
0,331 der keiser co-stantinus .
0,332 der bette alsus .
0,333 “o wol dich d’ alwaldige got .
0,334 dvo mih uon d’ heidinschefte has irlost .
0,335 ich beuelhe dir herre .
0,336 mine- lip vn- mine sele .”
0,337 do dir sege- was getan .
0,338 mit hande- nam in der heile man .
0,339 vn- sazen an iz gerichte .
0,340 vn- richte- eine pachte .
0,341 des was d’ cristenheite not .
0,342 der riche keiser gebot .
0,343 daz man die heide-schaf uirschielde .
0,344 vn- die criste-heit ane gienge .
0,345 daz was sin edictum .
0,346 do erete- sie de- gotis sun .
0,347 mercurius wart uirschupfet .
0,348 die cristenheit uuore gezivckit .
0,349 der abgote sie nicht mer ne phlegeten .
0,350 an eine- got sie bette- .
0,351 die dir liez gewerde- .
0,352 den hiemil vn- die erde- .
0,353 d’ ist ein gewar heilere .
0,354 des urowete sich manic romere .
0,355 Do stalte d’ kuninc here .
0,356 ze rome groz ere .
0,357 h’ sazte sines selbis hof .
0,358 also h’ uon rechte solde sten noch .
0,359 h’ berichte de- pabise sine- stuol .
0,360 als h’ uon rechte solde tuon .
0,361 h’ sazte im vf die crone- .
0,362 dit gab h’ ime ze lone .
0,363 vn- intfienc sie wied’ uon siner hant .
0,364 vn- liez ime de- gewalt .
0,365 daz her immer meister were .
0,366 ubir alle irdische richtere .
0,367 h’ berichte widem- vn- zehe-den .
0,368 daz ma- gote dir miete dienete .
0,369 h’ berichte bischoffe vn- ewarte- .
0,370 daz sie daz livt bewarte- .
0,371 her berichte patriarche- vn- cardinale .
0,372 vn- alle die vnd’ in waren .
0,373 vn- al geistlich lebe- .
0,374 in wilher gehorsame sie solde- wesen .

0,375 vn- daz rome ein houbit were .
0,376 al d' die der kristenheite beiehen .
0,377 Der keiser here .
0,378 h' richte ouch mere .
0,379 h' gebot daz man d' abgote hus lieze stan .
0,380 die dir were- so lussam .
0,381 daz sie dar zvo tochte- .
0,382 daz man gote dr i-ne gediene- mochte .
0,383 sumeliche her sparte .
0,384 gnvoge h' der brante .
0,385 dvo der tuuil des uirhancte .
0,386 daz her iz niet ne ante .
0,387 do wart der cristinheite ere .
0,388 breit vn- mere .
0,389 Sechs tage h' an me gerichte saz .
0,390 die buch sagent uns daz .
0,391 an deme sibinde- tage .
0,392 alse wir iz gelese- habe- .
0,393 der keiser here .
0,394 do richte her ouch mere .
0,395 h' sazte d' rittere lebe- .
0,396 in wielhir ordinu-ge sie sule- wesen .
0,397 daz sie daz swert umme gurte- .
0,398 vn- daz cruce dr ane uuorte- .
0,399 besiegelit in me swerte .
0,400 widir des tuuiles geuerte .
0,401 daz sie de- arm- uogete weren .
0,402 der witewen vnde weisen phlege- .
0,403 vn- ob die in decheinen noten weren .
0,404 daz sie in helfe beren .
0,405 daz sie die cristenheit beschermeten vn- beuogeten .
0,406 an des segenes ende .
0,407 d' keiser an eine hohe trat .
0,408 einer stille h' bat .
0,409 h' sprach "nvo uirnemit ir romani .
0,410 nvo muoge wir wole uro sin .
0,411 daz uns got hat gegebe- .
0,412 diet wu-necliche lebe- .
0,413 h' geruchte sich ce irbarmene .
0,414 ubir uns uiel arm- .
0,415 vn- sante vns sines selbis suon .
0,416 ce irlosene uon den sivnd- .
0,417 e bette wir algemeine .
0,418 an holz vnde an steine .
0,419 daz was des tuuiles getroc .
0,420 nuo tuot iz durh got .
0,421 lat ivch ruwe- daz ir wiedir ime hat getan .
0,422 vn- weset ime gehorsam .

0,423 d' ivch uon nichte geschaffen hat .
0,424 an sine- gnade- al unse lebe- stat .
0,425 Den hiemel vn- die erden .
0,426 die hiez er bede gewerde- .
0,427 her heizet vnse rechte uater vn- wir sin sine kint .
0,428 alle die ime gehorsam sint .
0,429 die besizzent sin riche .
0,430 nvo sult ir widir grifen .
0,431 zvo uwirme schepfere .
0,432 vn- lazit iu wese- unmere .
0,433 die uil bose- abgot .
0,434 die unse uatere ha-t gemachot .
0,435 swer sie in daz fur wirfet .
0,436 vn- in dr uz nine hilfet .
0,437 sie muze- al ze puluere uirbirne- .
0,438 waz mochte wir an de- gemi-nen .
0,439 swaz mennischen hant mac gemache- .
0,440 daz mac ouch mennischen hant wole zebreche- .
0,441 sie habint ouge- vn- ne sehint niet .
0,442 sie ne beke-nint daz uinstere noch daz liecht .
0,443 sie habint ore- .
0,444 vn- ne muoge- niet gehore- .
0,445 sie ne habin necheine craft .
0,446 sie ne wizzen tac noch nacht .
0,447 sie ne muge- mit den munde .
0,448 gespreche- zvo necheiner stunde .
0,449 sie ne uobe der tuuil dr inne .
0,450 sie hant kele ane sti-me .
0,451 houbit noch hende .
0,452 in muoge- sie nierge- gewende- .
0,453 sie habint uuoze ane ganc .
0,454 sie ne habint sin noch gedanc .
0,455 sie sint betalle unreine .
0,456 nuo sult ir algemeine .
0,457 geloube- an de- got .
0,458 den silvester hat gepredigot .
0,459 gehabet ivch zvo de- heilige- criste .
0,460 d' ist ein gruntfeste .
0,461 allir guoter dinge .
0,462 zvo ime so habit mi-ne .
0,463 d' ist daz anengenge vn- daz ende ."
0,464 sie huobe- uof ir hende .
0,465 vn- lobete- mine- trechtin .
0,466 der michelen gnaden sin .
0,467 d' h' zvo in hete getan .
0,468 also wir die buoch horen sagen .
0,469 ir wart getouft an der stunt .
0,470 mer denne siben tusunt .

0,471 ane wip vnde ane kint .
0,472 diet waren lobeliche dinc .
0,473 “edile keisir constantin .
0,474 dir inbutit din muot’ holden muot .
0,475 heil un- allis liebis gnvoc .
0,476 vn- lobe- des de- ewigen got .
0,477 daz dvo d’ abgote has uirloukinot .
0,478 wen ein dinc han ich kvome ertrage- .
0,479 daz ich uon dir hore- sagen .
0,480 daz du geloubis ane krist .
0,481 d’ uon den iude- gebore- ist .
0,482 vn- zvo iherusale- leit den tot .
0,483 durch ware schuolt uirdamnot .
0,484 des rechte- wisen ma-nis muot .
0,485 bescheidet ubil vn- gvot .
0,486 vn- richtet sich nach d’ warheit .
0,487 die an alle- dinge- uor geit .
0,488 die kuni-ge die uor dir waren .
0,489 die bette- z ware .
0,490 an die abgote algemeine .
0,491 wen dvo altirseine .
0,492 wande dv des abe bis gegan .
0,493 uon div so hat dich got getan .
0,494 gesunt uon dine- siechtage- .
0,495 z ware wil ich dir daz sage- .
0,496 swenne dvo dich bikeris .
0,497 na der iudischer ewe .
0,498 so wirdes dvo uil here .
0,499 also riche vn- also mere .
0,500 alse salemon vn- dauid .
0,501 din gewalt wirt also wit .
0,502 daz dir in ertriche .
0,503 nechein kuni-c ne mac geliche- .”
0,504 Konstantin d’ guote .
0,505 wart trureges muotes .
0,506 h’ inbot sine- meistir .
0,507 de- pabise sente silvester .
0,508 waz her dr u-me tete .
0,509 daz sin muot’ sus geredit hete .
0,510 d’ pabis sprach de- bote- zvo .
0,511 “nvo sagit co-stantino .
0,512 h’ muge wole uro sin .
0,513 nvo wil selbe vnser trechtin .
0,514 sine- nam- an ime geere- .
0,515 vn- die criste-heit gemere- .
0,516 h’ tuo z ime zvo mi-nen .
0,517 h’ wil noch manigeren dienstman gwi-ne- .
0,518 h’ intbiete der kuniginne .

- 0,519 suneliche minne .
0,520 wir mvozen is eine- sent dar umme lobe- .
0,521 vn- laze- sie al zesamene kvom- .
0,522 iu-ge- vnde alde- n .
0,523 die d' e vnd' de- iude- vn- vnd' de- kriste- walde- .
0,524 Den kuni-c duochte d' rat gvot .
0,525 sin uil truriger mvot .
0,526 ime senftigen began .
0,527 die geistliche- herren die besante h' ub'al .
0,528 vn- liez tichte- eine- brief .
0,529 siner muoter inbot her alliz liep .
0,530 alliz daz ein sun siner muter intbiete- solde .
0,531 ob sie ires zornige- mvotis intwicke- wolde .
0,532 an de- brieue in sime namen .
0,533 was zesamene getrage- .
0,534 [...] [...] [...] [...] die d[...][...] [...] [...] heite [...] .
0,535 [...] [...] [...] heite [...] .
0,536 wes h' sule geloube- .
0,537 iz ne wolle ime got selbe irouge- .
0,538 Nvo uirnim et wes ich gedacht han .
0,539 dunket ez dich guot getan .
0,540 so ile besende- .
0,541 die iuden in alle- ende- .
0,542 die allirbezzist sin gelart .
0,543 die nim mit dir an dine vart .
0,544 vn- kum her ze rome san .
0,545 vn- zvo lateran .
0,546 dar brenge ich mit mir .
0,547 di kristenheit ingage- dir .
0,548 vn- dar zvo mine- meister .
0,549 de- pabis sente silvester .
0,550 vn- laze- die teil beide .
0,551 mit worte- undirscheide- .
0,552 wedirirs rede war si .
0,553 da ne stan ich niema-ne bi .
0,554 sw' sine- geloube- da bewerit .
0,555 h' si des wole geerit .
0,556 sie sin iude- od' heide- .
0,557 e sie da-ne- gescheide- .
0,558 wollint sie mine huolde ha- .
0,559 sie muoze- zvo rechtir ewe uan ."
0,560 Alse helena diesen brief gelas .
0,561 a wie uro ir herze do was .
0,562 do sprach die kuni-ginne .
0,563 "mich iamirt na mime kinde .
0,564 iz ist mir uil swere .
0,565 daz iz eime aldin trugenere .
0,566 geuolgete ie so uerre .

0,567 den sent den suche ich gerne .
0,568 ich wil gewisse dare kuom- .
0,569 vn- wil rechte uirnenen .
0,570 wie diese di-c sin geschen .”
0,571 sprach die urouwe uil her .
0,572 “daz min sun ist wurden cristen .
0,573 silvester ne helfent necheine sine arge- liste .
0,574 wirt h’ da ubirwu-de- .
0,575 her mvoz an den stuonde- .
0,576 sterbin lestirliche .
0,577 dar zvo zestor ich al romische riche .”
0,578 Helena ne beite necheiner wile- .
0,579 sie hiez briueue schribe- .
0,580 ire- bote- sie do sante .
0,581 after alleme deme lande .
0,582 nach den wisiste- herre- .
0,583 die und’ den iuden vn- und’ den heidene- were- .
0,584 vn- alle die swert mochtin leite- .
0,585 daz sie quem- wider d’ cristenheite .
0,586 mochte sie iz geuuoge- .
0,587 sie wolde al zefure- .
0,588 daz mere witene ulouc .
0,589 ub’ al heidene- uolc .
0,590 liep was in die boteschaft .
0,591 des urowete sich die heidenische herschaft .
0,592 Der pabis was spete vnde uruo .
0,593 des ne irrete in nechein mvo .
0,594 her sante boten sinen holden .
0,595 die h’ zvo d’ rede habin wolde .
0,596 allin wole gelerte- herre- .
0,597 daz sie durch gotis ere .
0,598 alden vnde iunge- .
0,599 dar quem- zvo der samenunge .
0,600 vnde zvo helfe d’ criste-heit .
0,601 uiele michil was sin arbeit .
0,602 [...] [...] ein urteil .
0,603 durch daz ewige heil .
0,604 do daz lut diese mere uirna- .
0,605 do ilete man uuore man .
0,606 do nam allermanneglich .
0,607 ein rot cruce uuor sich .
0,608 mit herzen vnde mit munde- .
0,609 mines trechtenes lob sie sunen .
0,610 sie baten got de- guote- .
0,611 mit stetige- muote .
0,612 daz h’ ir geverte were .
0,613 vn- aller ir dinge phlege .
0,614 Zvo turaz wart d’ sent gelobet .

0,615 daz gebot d' romische uoget .
0,616 mitsami-t ime sin meister .
0,617 der guote sente Silvester .
0,618 zvo deme sende quam- .
0,619 patriarche vn- cardinale .
0,620 vn- eilf huondert kru-mer stabe .
0,621 also wir daz buoch hore- sage- .
0,622 vn- achzene altherren .
0,623 der kristenheite zvo ere- .
0,624 Die cristene- zalten sich an d' stunt .
0,625 sie hete- uechtendis uolkis zehinzic tvsunt .
0,626 z ware sage- ich iz ivch .
0,627 vn- drizic tvsunt vn- driv .
0,628 helena die urowe .
0,629 wolde do ir here schowe- .
0,630 michil wart d' heidene- schal .
0,631 die uulte- berc vn- tal .
0,632 sie hete- groze- ubirmuot .
0,633 alse ie d' unselige tuot .
0,634 Helena die kuningin .
0,635 die brachte manige- sarracin .
0,636 iuden vn- turke- .
0,637 die leiteten gote harte .
0,638 daz was ein vnselige diet .
0,639 die ne uuoren durch got niet .
0,640 mit boge- vn- mit wicwere .
0,641 do sie gezalte- ir here .
0,642 daz wizzent wole z ware .
0,643 dru hu-dirt tusint ir ware- .
0,644 vn- funf tusent dar ubere .
0,645 die heidene- dachte- ubile .
0,646 sie wanden mit gewalde .
0,647 in romische lande .
0,648 al ire- willen uollebringen .
0,649 dar nach begu-den sie uaste ringen .
0,650 konstantin der guote .
0,651 der intbot siner muoter .
0,652 daz sie durch kuninliche ere .
0,653 vz irwelete fivnf hundirt altherren .
0,654 die in den zivchte- were- .
0,655 daz sie sentrecht uirnehmen .
0,656 vn- daz sie urideliche queme- in die stat .
0,657 uil ture her des sine muter bat .
0,658 "wa-de sogetan uolc .
0,659 zvo dirre rede niene touc .
0,660 mit de- ne mac sentrecht nicht sin ."
0,661 do sprach die here kuningin .
0,662 daz sie uil gerne tete .

0,663 des sie ir lieber sun gebete .
0,664 Dar zvo sie uz irweleten .
0,665 zwelfe d' allirbest gelerte- .
0,666 die under den heide- vn- under den iuden ware- .
0,667 den sie alle der meisterscheffe iahe- .
0,668 die den geware- gotis holden .
0,669 mit rechte überwinden solden .
0,670 zvo deme sende wart ein gelvbde getan .
0,671 dar ne qeme nechein man .
0,672 der da icht zvo torste reden .
0,673 her ne wolde den hals ze wandele dr u-me legen .
0,674 wan zwene philosophi .
0,675 die irkvore- sie da bi .
0,676 daz sie des sendes richtere were- .
0,677 vn- der rechten zivchte phlege- .
0,678 vnde daz sie nixhtes ne iehe- .
0,679 wan alse sie gehorten vnde gesehen .
0,680 [...] [...] uil getruwe vn- so stete .
0,681 daz h' iz durch al die werlt niene tete .
0,682 daz h' der warheite ne iehe .
0,683 vn- ob is durft geschehe .
0,684 h' lieze sin houbit abe slan .
0,685 e her einer lugene- wolde gestan .
0,686 kraton d' gerechte man .
0,687 d' gienc an eine hohe stan .
0,688 vn- gebot eine stille .
0,689 h' sprah "alle die an deme sende wesen wille- .
0,690 die uirnem- waz ich zelle .
0,691 ich vn- zenophilus min geselle .
0,692 wir sule- des sendes phlege- .
0,693 de- gewalt hat uns gebe- .
0,694 d' riche keiser constantin .
0,695 d' ne wil selbe nicht sin .
0,696 dar ubir richtere .
0,697 wande iz ungezeme were .
0,698 daz her d' kriste-heite phlege .
0,699 vn- urteil ub' die iude- gebe .
0,700 so spreche man ce rechte .
0,701 iz were unrecht sin gerichte .
0,702 d' keisir der unsir herre ist .
0,703 d' geloubit an crist .
0,704 vn- kerit sinen fliz groze- .
0,705 wie her beschirme sine genoze .
0,706 sin mvoter ist in d' iudischen e .
0,707 vn- wil daz die wole geste .
0,708 ez ist recht swenne wir strite- .
0,709 daz sie ouch des dritte- bite- .
0,710 der sie berichte vn- beleite .

0,711 uile wole na d' warheite .
0,712 ich vn- zenophilus wir sin heide- .
0,713 irwelit hat uns der keisir beide .
0,714 daz wir diese- strit slichten .
0,715 wande wir mit dewedirer ewe habe- phlichte .
0,716 nvo uirstet umme diesen sent also .
0,717 in diese concilio .
0,718 wirt ein rede gefrumit .
0,719 die al der werlde ze heile kumit .
0,720 hie inne ne sal nieman mere spreche- .
0,721 wen der die warheit gezechit .
0,722 daz necheines ma-nes lere .
0,723 uns der rechten rede nicht uirstore .
0,724 vn- swe-ne der eine wirt uirwu-ne- .
0,725 so sule wir eineme anderen ane sinnen .
0,726 daz her beschirme sine rede .
0,727 so daz her sie gebezzire- mege .
0,728 vn- swer an gesiege an deme ende .
0,729 deme [...] [...] dicke wir ui....
0,730 vn- sule- sin ewe ane gan .
0,731 die gelvbde werde hie getan .
0,732 vn- swer iz da widir rede .
0,733 daz der selbe des landis si uirtriben ."
0,734 Helena an daz gericht gesaz .
0,735 die buoch die sagent uns daz .
0,736 der kuninc leite den pabis dare .
0,737 [...] [...] her ist nvo allireris uollekvom- .
0,738 daz h' irkennit daz ware liecht .
0,739 ich ne loukene des niet .
0,740 iz ne si min wille .
0,741 ich han uil guot gedinge .
0,742 daz ich uil balde dich brenge an daz selbe lebe- .
0,743 nvo intfa des heiligen geistes gebe .
0,744 vn- geloube an de- crist .
0,745 d' durh dinen willen gemarterit ist .
0,746 wirdis dvo in der toufe naz .
0,747 ze ware sage- ich dir daz .
0,748 her lonet dir mit sineme riche .
0,749 da wonis dvo ewicliche .
0,750 da ist die allirmeiste wu-ne .
0,751 me denne alle mennische- zunge- muoge- gekunde- .
0,752 Do sprach der heilige man .
0,753 "z ware ich sal dir mer sage- .
0,754 silberine gote vn- guldin .
0,755 die ne muoge- dir nichein uruome sin .
0,756 daz sint unreine geiste .
0,757 swer in dienit allirmeiste .
0,758 vn- sich zvo in gesellet .

0,759 sie lonent ime mit der helle .
0,760 die da immer wellit .
0,761 ere dvo dine- schepfere .”
0,762 die kuningin hiez ir wise redenere .
0,763 antwurten deme heilige- man .
0,764 da mite huob sich der sent ane .
0,765 Uof stuont d’ iudin archisinagogus .
0,766 die rede erhuob her alsus .
0,767 der herre hiez abiatar .
0,768 her sprach “silvester ist daz war .
0,769 daz got uzir sine- munde .
0,770 deme herre- moysese kunte .
0,771 “hore israhel ich wil dich leren .
0,772 ich bin din herre .
0,773 ich bin din geware got .
0,774 vnde irfullis dvo min gebot .
0,775 ich gebe- dir min riche .”
0,776 nvo widirredis dvo daz werliche .
0,777 vn- wilt drie gote haben .
0,778 swer an der rede wil uollestan .
0,779 der zebrichit gotis e vn- sin gibot .
0,780 der ist ewicliche tot .
0,781 alse duo selbe macht lesen .
0,782 der ne sal ce iungist nicht genesen .”
0,783 Der pabis schiere antwurte .
0,784 mit schoneme antlietze .
0,785 her sprach “du bist ein wole geleret man .
0,786 war u-me ne wil tu der buoche niet uirstan .
0,787 do got mit siner hende .
0,788 ivch iude- irloste uon egiptenlande .
0,789 uon schalcliche- uorchten .
0,790 wund’ h’ durch ivch da worchte .
0,791 her gab iv al des iv durft was .
0,792 daz iv nictes ne gebrast .
0,793 dar ubir guzzit ir die getroc .
0,794 vn- bettet an die abgot .
0,795 gelich eineme stiere .
0,796 vn- uirgazit mines trechtines schiere .
0,797 alle die in der werlde do lebeten .
0,798 iuden vn- heide- an die abgote sie betten .
0,799 do irbalt sich got uil sere .
0,800 ie vnze moyses der heilige herre .
0,801 uil innecliche sin gebet .
0,802 uuor sie hin ce gote tete .
0,803 vnze her ime de- zorn uirlie .
0,804 wande her die e uon ime intfic .
0,805 durch die uil michilen not .
0,806 so sprach d’ almilde got .

0,807 zvo der israhelischer diet .
 0,808 die ime dannoch was uile lieb .
 0,809 “israhel habe mich mit eren .
 0,810 ich bin din got vn- bin din herre .
 0,811 ich bin ein ware got eine .”
 0,812 diese rede ist mit drien nam- undirscheiden .
 0,813 Nvo wold is ivch niet bedriezen .
 0,814 ich sal iv uon der driualdicheite intsliezen .
 0,815 wie daz abraham uwir uater wart geherit .
 0,816 qui tres uidit unu- adorait .
 0,817 daz quit daz her drie zvo ime gan sach .
 0,818 do her in sineme huse gesaz .
 0,819 mit inniclichem muote .
 0,820 uuor eine- her sie hete .
 0,821 des tagis was her nun vn- nunzic iar alt .
 0,822 alse vns daz buoch hat gezalt .
 0,823 an der selben stunt .
 0,824 wart ime sin bescherunge kunt .
 0,825 vn- daz sin wip ire- ysaachen solde intfan .
 0,826 vn- daz sodoma vn- gomorra solde undir gan .
 0,827 durch sine- groze- gelouben .
 0,828 iroffenete ime got die touge- .
 0,829 wand er wiste daz daz was .
 0,830 die heilige sancta trinitas .
 0,831 da bekante her den uater vnde den sun vn- de- heilige- geist .
 0,832 durch unse brode nam h’ an sich bein vn- uleisch .
 0,833 daz was der werliche got .
 0,834 swer des niet geloubot .
 0,835 an de- eine- got mit drien namen .
 0,836 der muoz immer in der helle sin begrabe- .”
 0,837 Do sprach abiatar .
 0,838 “silvester ich sagen dir uur war .
 0,839 wilent vnd’ vns altherren ware- .
 0,840 die grozir wisheite vndir den iude- phlagen .
 0,841 die uon gote den gewalt hete- .
 0,842 daz sie irquicte- die toten .
 0,843 daz hiemiluuor brante .
 0,844 ir uiande .
 0,845 gebvoten sie in des meris grunt .
 0,846 daz geschach an der stunt .
 0,847 gebvote- sie in die hohe der hiemele .
 0,848 da ne stuont nicht widere .
 0,849 sie liezen die sunne- schine- .
 0,850 siebe- vn- uierzec wilen .
 0,851 daz sie uon der stete ne mochte kvom- .
 0,852 nvo ist daz alliz [...] [...] unuirnume- .
 0,853 daz iz uo- dicheineme cristene- rechte geschehe .
 0,854 daz ne mochte nieman bewere- .

0,855 daz iz . uof . erde- .
0,856 iemer gewerde .”
0,857 Do sprach der heilige man .
0,858 “nvo laz dir z ware sagen .
0,859 [...] [...]”